


中部縣志 上



北谷鎮

雨洛寺

西障

帝后祠

皇娘殿

黃帝廟

東門

大園古

改遷

龍潭

甲申



中部縣志目錄

輿地

仙釋

疆域

風俗

山川

物產

城池

陵墓

衙署

寺觀

祠祀

祥異

貢賦

藝文

屯田

壽文

水利

鹽法

兵防

郵傳

職官

名宦

學校

選舉

人物

孝義

列女

隱逸

流寓

中部縣志序

王者治定功成而禮樂作文章興焉所以昭一代之典型明百王之大法我

朝誕膺天命薄海內外罔不臣服垂五十年矣文教覃敷武功赫濯其制作之明備直越三代而繼唐虞乃

命大臣纂修國史爰及郡縣分編志書上以顯承

烈祖下以博采風謠大小臣工咸祇承惟謹惟是延安邊郡也  
一而中部在延屬尤稱最爾土瘠民貧所從來矣余承乏郡守  
得李令任中部且七年多輔余所不逮民賦樂輸案無留牘  
乃延耆宿編修縣志手自裁定凡六卷余披覽終篇閱山川  
疆域而知地狹土磽商賈弗通食貨維艱也閱貢賦版藉而

知兵荒荐仍戶口消耗差役繁重也閱兵防而知阻險扼塞  
閱水利而知沙崩岸陡閱鹽法驛政而知商病遠販官苦課  
程驛費裁而馬多折損夫價減而役無完膚也瞻覽名勝顧橋山  
軒轅帝陵在焉風氣攸萃忠臣孝子義士節婦汗漫青史且文  
人墨客遊覽題咏逞七多鴻章麗詞及鄉塾祭酒縉紳先達  
亦復秉正守禮彬彬乎文獻之邦也余方欲手觀風問俗之  
餘進多士父老造膝咨詢竭一得之愚用副

台憲仰

加意察訪民隱與除利弊得茲編也清  
口以除包賠惠鹽商以汰新增荒山峻嶺穴處巢居之民

聖主而言情也異日進進

靡覽不且大有利賴中節哉文既大雅事亦該博述古酌今宜  
教達情可以副

上旨脩史乘有裨一代之典制矣是爲序

中憲大夫知陝西延安府正堂加三級蘭陵張偉齊庵氏題

正德縣志卷之六

中部縣志序

一代之興必有一代之紀載漢高入關蕭何收圖籍因知四方疆弱盈虛之實丙吉使東曹考案邊郡兵食之有無故能指揮形勝不出戶庭瞭若指掌者圖籍之功也蓋居今而知昔援古以証今利弊興衰數十百年之事非書不辨我皇上即位以來戡亂定治興禮樂敷教化巍七蕩七登三邁五猗與隆已乃

詔修一統志并及郡縣志蓋將采風問俗緝成一代之

大典也余承乏中部今七年矣諸務就理上下和樂乃延鄉先生纂修邑志以副

上旨且以博觀古昔人物之偉傑孝子忠臣義士節婦之振綱

植紀砥澗迴流以及山川形勝之大建置因革之變余固不  
敢以鄙陋無文自謝于鄉先生鄉先生亦不以余之不敏時  
勤事于傳稽廣咨自康熙癸酉迄乙亥越三年而書始就類  
熟讀典故多識舊事實串錯綜則埤篇先生實成一家之言  
焉崇揚善類嘉尚節廉一善必錄微美亦顯事有關于氣節  
者不啻三致意矣夫中部小邑也在唐宋則三輔大州節度  
刺史之所臨在崔郭政績楊劉清德史傳所載百世猶新也  
乃參以二十一史準以雍大記徵以雍書咨以父老先民其  
間載事旣該褒貶亦正旣以續舊志于兵火焚劫代易事跡  
之後而余亦借是以事神治民崇德尚賢知賦役之增減明  
風俗之變易也惟是發揚潛德表正風化請城戶口深維益

法余蓋竄有志焉而快亦遯也恭逢

聖天子西眷方殷大臣百執事體察民瘼親斯編也中部利繁  
灼然若目見而身歷之矣庶或有造于茲邑云爾謹序

文林郎知中部縣事白下李暄蒼山書

片  
音  
場  
三  
六  
六

中部縣志序

夫以天下名區獨讓西秦第一關中要地惟推延郡無雙鼎峙列三州不及坊州之秀麗疆分十六邑無如部邑之風華一望橋山岡巒聳翠疊惟石陰蒼松峭逼雲霄彷彿乎華恒嵩泰載瞻沮水波浪沖灑泛鳧鷗叢荇藻迴瀾日映依稀乎瀆海淮洲磊砢落孤城抱碧流而環遶魏縣宇迎瑤島以隆嵒傍曉霧蒙七縹緲龍灣澤畔當春烟漠七纏綿鳳嶺峯頭南谷黃花開放金錢鋪滿地北橋爭雪推殘玉屑遠歸天水來揚子江心湧作飛泉滾七月掛皇陵山半照臨瞻影輝七九爲世之奇觀真是人間之妙景勝槩動軒轅駕御輦而遨遊春道仙聲聞漢武募金莖而祈築雲臺攀龍鬣以昇騰直上清虛

之府向長空而拜禱仰希開苑之丹迄今鶴馭已狝只見青  
霞籠玉塚憶昔羽翁難邁徒畱古蹟在岑林是以川嶽鍾靈  
皇風毓秀土從太古逾及熙清歷代人文蔚起屢朝科第雲  
初卽小吏農夫間有純良足錄鄉媛野婦無非節烈堪垂縣  
誌昭然班七可考惜遇頻經兵火煨作灰塵幸逢邑宰李公  
廉明清慎善莪械樸不殊西伯之作人蔽芾甘棠可比召公  
之雅化百爲盡善庶績咸康政事之餘慨然興感嘆記書之  
缺畧嗟方冊之遺忘爰捐俸以資工乃脩文而刊板詳明圖  
域表著懿行誠百代之鼎銘千秋之青史也余才慚作賦心  
慕章程聊寫里言附之卷末宣揚盛事云爾

賜進士第原任諸暨縣知縣邑人牛光斗撰

中部縣志序

邑有志倣古制也古之爲國者各有史官記事雖王朝列國之史皆謂之志周禮小史外史掌邦國四方之志如晉乘楚檣杙魯春秋之屬史也郎志也迨漢至班固易八書爲十志而禮樂律曆天官封禪河渠平準條分縷晰燎如列眉斯又史之變聲而志之法乘也嗣是代各有史地各有志百世而下以時修集脩一方之文獻以故分野疆域官民財用人物山川上下古今不下堂而靡弗周知部邑雖僻壤彈丸黃帝陵寢所在橋山頂峙沮水腰環秦中一名勝區也古之有志與否皆不可考故明正隆間劉鄜南橋麗昆仲兩先生先後纂輯迄今二百餘年殘闕于兵火之餘余老舅堯篋公爲先生

之曾孫雖恪守家乘亦僅存什一于千百部志之不可問也  
可勝悼哉我

皇清定鼎五十年海隅向化九有式廓共球之盛疆域之廣亘  
古未有今

天子御極之二十三年下詔修一統志令郡縣有司咸得輯志  
彙進按圖索籍博採遺聞增修故事裒集成書以昭車書之  
盛俾天下古今靡不囊括而整齊之豈非甚盛事哉是志之  
不可不亟爲修也然而正難其人難其事也操觚之子曠括  
爲工執掌之吏簿書是重且事曠代更則父老之傳聞無多  
時逾滄桑則典籍之散佚不少地係桑梓則褒美或失之濫  
人非土著則見聞未必其確有一於此烏乎其爲志甚矣作

志之難其人難其事也邑侯 蒼山李公以班馬之才敷黃  
黃之政蒞任數載百廢俱興尤于文墨一道深加意焉一日  
集邑之紳士爲修志之謀堯篤公出家藏殘帙並博採閩中  
通志首董其事麗乾牛公馥亭蘭公余弟六嗣皆參訂彙集  
余亦得濫竽纂修之末竊惟今邑令古諸侯也邑無大小咸  
得以百里侯稱侯之政事本諸文學修志之舉謂非致治之  
端乎觀疆域建置之廣狹而發政施仁民是以可樂瞻山川  
風土之攸宜而耕鑿無擾民是以可利景名宦循良之芳軌  
而去其頽苛民是以可安察賦役戶口之多寡而取用有度  
民是以可富觀忠臣孝子義士節婦之懿行而挽其頽風作  
其庶恥民是以可淳鑒選舉人物之褒崇而詩書絃誦興行

率俗民是以可勸覽古蹟祠廟之興廢而思敬思哀民是以  
可興春秋鄭子產以惠頌于國人于辭命特推潤色 蒼山  
公之功詎出僑也下哉是役也上以副

聖天子一道同風之治下以垂千百世憲章不刊之典是誠曠  
代之史豈一邑之志已哉

賜進士第四川鄂都縣知縣邑人張鳳撰

中部縣志序

明府李公蒼山先生修輯中部志成索紳弁言余再拜而爲之叙曰志者史之一體而縣志則郡國之權輿也先儒有云史莫尙于志蓋將求諸制作之林非徒以文詞爲工也聞之宋太平中作寰宇記考証頗詳惜其書不傳然人文之目當時固謙讓未遑也故簡李文達竭生平之力爲一統志而所載方輿多與舊史不合故論者謂讀通志不若讀郡志讀郡志不若讀縣志君子以爲知言中部志闕有年矣故明正隆間邑人鄜南橋麓兩劉先生纂修成帙後以鼎湖之變屢經兵燹斷簡殘篇無所信從今值

聖天子考文徵獻之時復得公起而修之公江南俊傑甫仕楚

雄善政不可枚舉再仕吾邑吾邑他人目之爲衝疲事七棘  
手公內無賓史鳴琴坐理取辦俄頃嘗恢七其有餘地而賢  
士大夫日相往來懸魚種菊飲酒賦詩遠近傳誦紵衣縞帶  
有春秋鄉尹之遺風居嘗慨然曰夫子說夏禮而傷杞不足  
徵學殷禮則曰有宋存焉未幾杞降而稱子而宋猶得以上  
公周旋盟會之列歷二百四十年不改然則邑之有志文獻  
之存亾係之不綦重哉于是招集羣賢講求故實堯箴劉先  
生乃鄜南橋麓之嫡裔曾孫也因爲之執牛耳與麗乾牛馥  
亭蘭諸先生共襄厥事余與家兄九苞亦濫竽其側公裁定  
之以庀其成其始也搜書按籍爰脩採擇復旁稽輿論探索  
真僞故其言無虛僻裒然爲一邑信史况公治部五載防固

封疆遍覽山川之勝勸興農務時清欺隱之田惟正有供何  
以昔費而今簡輶軒載道何以昔勞而今逸以及民風之若  
何砥飭人才之若何噓培文教之若何釐正凡志之所載者  
公一七見諸施行又豈若擦觚家止矜文詞博雅云尔哉且  
也當日鄜南橋麓修志時出于重熙累洽之際又乘其里居  
暇日爲之公志乃自簿書期會間與三五縉紳草創焉討論  
焉修飾而潤色焉不日成之增益而不失之華率直而不失  
之肆視延郡志陝西通志善有加矣余之學踈仕拙遠愧諸  
先生尤遠媿公庶几附公以傳不朽公在部多異政行將  
臺書特擢入居要津更以部民疾苦之事旦夕入告志又其權  
輿也夫

康熙壬申冬十一月長至日

賜進士第四川大竹縣知縣邑人張鳳翀撰

中部縣志序

事有關於世道人心勸戒昭而記載該其志與史乎夫史一代之政而志則一邑之政也。魯有史孔子擬以作春秋政雖不行于當時後世取正焉。邑雖褊小不可一日無政也。或曰才短者詘學淺者鄙識乏者謬。君子譏焉。故作史未易言也。余以爲志亦宜然。中部志自元以前爲坊州者今不可考矣。故明正德嘉靖間余先伯曾祖太僕一屬稿未就會有柳州之誦叔曾祖左史公踵而成之分八卷列條二十一止于萬歷乙亥歲今百一十八年矣。故盟宗禎辛未邑陷于寇志遭焚燬繼以大亂數十年。

清興康熙甲辰曲沃賈公以中丞撫吾秦徵聘夙儒纂修在志

予不敏竊與其事而延安志則趙子玉譜緝采成帖太守陳公屬予弟徵君敬又太學正趙子蔚生據以成郡志中部志則缺焉未講也予爲是懼暇日搜弟遺稿又采諸郡志徵以雍書參之雍大記旣又得左史公舊縣志于江南殘編斷簡用以考記其闕畧焉會邑侯蒼山李公以江南名宿莅政五載百廢具興乃以邑志屬予與張子九苞六翻牛子麗乾蘭子馥亭義不得辭迺互相參訂閱八月而後成三卷二十五條而加詳于萬歷乙亥以後蓋實錄也竊愧撫拾補綴文不雅馴然以視夫矜用小智輕侮前賢私加毀譽予與諸君子蓋兢亡慎之矣後有作者廣詢博稽多所釐正以補予與諸君子之陋而文其蕪靡以嗣續我大僕左史公之遺業也庶

幾有補于中邑文獻云爾

康熙癸酉季夏沮濱野史劉爾怡撰席書於三河之雪堂



中郢縣志序

邑有賢侯其嘉惠爲無窮焉扶衰起敝與爲優恤一時之政也而百世蒙其休脩文徵獻用昭法戒百世之政也而一時集其成邑志之有關於致治也不茲隆哉

明府蒼山李公江南偉第名世僂才蒞治我中郢蒞下車即周咨民間疾苦勒如來筆其善政多端無容再贅諸所修復屢缺亦槩難枚舉一載以來政是以過人是以和矣鳴琴之暇時與二三紳士杯酒相延講求今古殷殷於滄桑之餘邑志湮沒不存是念也廼慨然曰中郢駐偏小邑於橋陵之麓山環水滢雅稱名勝向來文風丕著人才蔚興獨奈何無志方今

聖天子在上考徵文獻詔直省郡邑輯志彙進以成統一信又  
中邑亦不可無志脩明之任縉紳先生與有責焉諸君子僉  
曰明正隆間劉鄜南橋麓兩先生所纂邑志災於寇氛什一  
千百久矣不可復問堽麓公先生苗裔得無有僅存者乎於  
是堽麓出其家乘博採雍志郡志序入近今見聞實錄首先  
釐訂加以張公九苞六駟牛金麗乾博綜淹雅與共參稽余  
自維鄙陋亦竊謬附其末明府乃討論講求裁成潤色傳其  
信不傳其疑崇其實不尚其虛閱數月纂脩成帙又進而語  
諸公曰脩明邑志昭示來茲共事諸君子俱不可無序以傳  
不朽余不敏無以爲序亦第即今日脩明者誌公之實政而  
以經方以謀野則疆域山川其較著者也以勸課以均輸

賤士而武職其釐定者也以無字以懷保則名宦循躋其昭  
然可法者也以旌良彰善以興行率俗則孝義節廉遐舉人  
物諸條其燦然其見者也至若享祀所報徧於群神凡古蹟  
廟祠壇壝靡不詳明紀載滋承無遺也跡其脩明無一非公  
之實政垂示無窮者矣公之惠施在吾邑公之循績久登於  
彤廷行將特晉公賓館弘文哀集纂一代信史一邑之志得附  
國乘竝傳久遠其嘉惠又安有窮也哉

原任四川大邑縣知縣邑人蘭薰撰

音鼎示

中部縣志一卷

輿地

先王畫疆分野交錯相制沿革靡一期以屏翰中邑隸在三輔則合爲州郡附諸邊郡則分爲縣邑因時陟降理勢然也顧提封百里包羅原隍名山大川亦上郡名勝之區也作輿地志

中部周職方氏雍州之域井鬼分野春秋爲白翟秦漢爲上郡陽周又兼屬左馮翊卽翟道縣後魏大統中改內部郡後周天和和中鄜州刺史牧馬于鄜置馬坊州界隋開皇三年郡廢唐武德二年分鄜州置坊州中部郡有府五曰杏城仁里思成永年安臺宋爲中部郡軍事又爲坊州軍刺史仍置中部縣元廢坊

中書縣志 卷之六  
州爲中部縣屬鄜州元至正二十四年平章王九思築縣西龍  
榮山屯兵據守明兵至棄城走沙漠縣丞伯顏以城降仍中部  
皇清分隸如故

疆域

礪山帶河分茅胙土古先生之建列辟也各有疆域之別後  
改爲郡縣大一統之制則然七各撫其民隸其土疆域亦自  
井然部邑屢懼兵燹桑田滄海不無變遷作疆域志

縣南北六十里東西二百里東至洛川西南宜君西真寧西北  
寧州北鄜州分八鎮曰隆坊北谷遠市雙柳艾蒿孟家保安廬  
保設二十四里曰塘和獨善東利爲大賢孝義遠市者各三爲  
保安大寧者各二爲宣化坊隆坊廂者一劉左史公儒曰中部  
自正德以後迆亾日繼生意蕭條有一里祇十餘戶者有三  
四戶者往遇例抵併七里尋復已差役不減而里籍猶故然  
閭閻有次坊市整肅達官名賢過者又見山川盤抱人材靈

出公事嘗先諸邑以爲視宜君勝之然財力寔不逮什之三

四也

山川

岳峙川流乾坤既分高下封山濬川帝王爰治平成鍾靈

秀而人才生寶藏貨殖而民利溥山川誠境內之首重也矧

橋山軒轅卜葬沮水禹貢誌各其關中名勝之區乎作山川

志

橋山

縣城北沮水從山下過數日橋今地形平水出縣城南繞而東

石堂山

縣西北七十里一名翟道山周穆王傳天子命駕八駿之馬造父為御南征朔野逴絕翟道升太行山即此

玉仙山

縣西五里時有仙人往來於此

鳳凰山

縣西一里其形如鳳一名二郎山

印臺山

縣東二里形如三台

仰龍山

縣西十二里

西山 縣內諸山之總嶺也方六七十里

子午嶺 縣西北一百八十里南北綿亘千餘里隔界延慶二府

回軍嶺 縣北六十里元王克己廬墓處孝感兵回故云

花石峽 縣西一百里

唐峪洞 縣西九十里至正年鑿成劉徵君曰吾先君避兵處明末知天下將亂以百金買于郝氏上有懸崖危岬下築

石城洞 中有石井為懸樓六蹬道四壁立萬仞自下望之烟雲飄渺樓閣高下欄杆曲折如在天際

桑園藥王洞 縣西五十里洞深遠天成可容百人門外有寺砌石方正樓閣工緻洞中蓮座橫列奇恠幽巧得之

然白

白石洞 在桑園東北五里

龍首川 即縣川也其東十里蓋沮洛交會處川明水秀冠湛若先生棲隱其上有小月山堂

沮水 縣西一百八十里自子午嶺發源至三河口納小河常川二水東行環繞縣城如帶又東三十里合洛河蒹蘆河于

交口南出白水詩云漆沮之

從天子之所郎此地也  
洛河 縣東三十里自鄜州南流合葫蘆河于交口又南十里合

沮水于戶扁東南至朝邑入渭成化中入黃河  
葫蘆河 縣東北三十里源出北地郡名黑水又合華水經三川

至交口與洛水合  
泥峪河 縣北十五里自土門村隨后神

嶺發源東南至龍首川入沮水  
葛家川小河 源出宜君縣西孟家河東流納常川河與沮水會

于三河口山水紆迴林木葱鬱  
黃花峪 縣西一里入秋金菊芬芳劉徵君曰吾先君築園谷口

林樹高密花藥分布引峪水臺上直瀉丈餘如瀑布然  
自縣門望之臺榭屋宇隱

隱柳蔭中彷彿可見  
鵬窩谷 縣北十里

暖泉 縣東三里劉徵君曰吾先伯復泉公所築吾兄聘野公繼

成之喬木竦列青竹鬱茂泉上築觀音閣下臨暖泉池魚  
充伋岸有老樹橫覆水上細枝排布踈密如垂簾懸園內苑亭

方池引溪水穿洞達于池中花卉分列園以薜木自號曰暖泉  
主人

陽武泉 縣東十里

普照泉 縣北一里

上善泉 橋山東唐刺史崔駢導之入城以資灌溉

一線泉 縣南一里山腰湧出四時其冽

東移泉 縣東五里軒轅思得揚子江水因得此泉其味如之有石碣存

寒泉 縣西一里就鳥峯閣下

滴珠泉 黃花谷口巖下滴水如珠旧名黃花泉御史唐綺改今名

柳窰泉 縣西五里山頂湧出懸溜而可如素鍊然

寒洸泉 山寺之傍禱雨輒應

城池

金城湯池所以固圉孟子言天時不如地利部邑城接橋山池環沮水乃延南一險地也明季屢陷屢復古語雖云在德不在險然有地利始可以講人和作城池志

城周圍四里一百三十六步爲明七明初猶在坊州城成化中始移于今治顧北面高曠空濶東西臨水善噬屢葺屢圮隆慶六年知縣衛汝霖奉檄築城三百一十丈高增七尺寬厚加一丈有奇外環磚塔分布敵臺橫五門樓高三丈棟宇登阿飛甍重軒巍然江巖洞隱覆以垣墻樹柳萬株崇禎四年賊陷城據之旬焚燬宮署會始盡知縣姚一麟重爲修葺多所營建始築上城三完以地高多風仍復舊城而新其門

樓敵臺雉堞崇禎癸亥歲後陷冬闖賊入閔知縣朱新越  
據孤城抗自成十七年賊再陷自是城空無復居  
人幾十二年

本朝順治十二年邑食彭澤者結寨里民復舊城制後五年邑  
侯金九鼎稍遠衙署廷  
古廟居其上

劉徵君爾儻曰中部城枕橋山池環沮水爲延州名城崇禎  
辛未寇陷勢據七十日巡撫練公國專以兵三千壁城西二  
郎山延綏總兵王承恩以兵萬人壁橋山其肅總兵楊某以  
兵阨隘城南印台山宿師數重且攻且戰七十日不得下既  
而賊糧盡走西山城始開中部可謂堅城矣但山城孤縣東  
北高之水泉居民不便以故三潤迢遠數隔于寇輒自山城

入議者謂當守下城自隆慶寺前橫截塹築爲城前臨沮水  
以上城爲郭顧當時失于決擇今幸時和

國熙千里之內夜戶不扃卒有不虞何以禦之



衙署

先王以貴治賤堂高階遠四方取極焉故具瞻之望與垂裳  
端冕並重中邑沿革不常自唐逮元數易其地

本朝經營定制規模草創輪奐式廓俟之後人作衙署志

縣署在上城順治十年邑侯彭聖培建康熙二年邑侯金九鼎

遷衙南一百五十步先時縣署在坊州城洪武初知縣黃琮

建成化中知縣劉潔移建下城制度壯麗縣丞主簿典史儒

學衙俱列建縣衙之東西倉庫陰陽醫學備焉崇禎四年知縣

姚一麟改移上城尋復仍舊其再移上城自彭公始

縣丞衙今廢

典史衙在儒學署西

儒學衙 在縣署西

倉 康熙二十六年邑侯李暄新建

舊倉自明季毀於兵火糧委諸六里收役賃民房或廟舍六里公收一處而各自支放分算互相盜竊耗折無可稽查又府檄撥支故為遲留或三四年不得支虧折太過收役坐此敗其家逞七前官所欠後官代賠多者至二三百石邑侯李時捐俸買民地建倉房親為收支不假吏役隨收隨支自是倉無耗折役免代賠上下稱便

常平倉 萬曆年設預備倉督儲粟六百石備賑

社倉 萬曆年知縣衛汝霖督儲粟一千石備賑

演武場 縣東三里亭廢

清澤園

縣西五里知縣楊友松立

市集

在縣方內者北今存者隆坊北谷餘鎮俱廢隆坊即後周牧馬坊

卷之二十一 街署

戶部縣志

卷之二

二

天威不遠顏咫尺而簷宇頽傾像貌剝蝕何以肅

止命展明禋康熙三十三年邑侯李諱暄捐俸重修一切土木

工匠不俟隣封協助而廟宇巍峩煥然一新於以祗承

天威崇重大典誠盛舉也

文廟舊在坊州城成化中知縣劉絜移建縣署東南萬曆中

知縣衛汝霖重修創鑿泮池崇禎四年知縣姚麟移建上

城

皇清康熙二十五年知縣魏力仁重修

皇上御書萬世師表扁于正殿

文廟祭器數 國子監用十邊十豆天下府州縣八邊八豆

祭品 香燭酒○件用純黑○羊○豕○鹿兔白帛○大

羹○和羹黍○稷以上實于簋○和○梁以上實

干盞○形盞○藁魚○棗○栗○榛○菱○芡○  
鹿脯以上實于饗○菲蒞○菁蒞○芹蒞○荈蒞  
○醢○鹿醢○兕醢○魚醢以上實于豆

樂器數○麾○應鼓○鼗鼓○笛○簫○搏拊○祝歌  
舞用六佾成化年增為八佾嘉靖年仍為六佾

### 啓聖祠

### 名宦

祠崇禎四年知縣姚一麟建康熙二十八年知縣李暄

刺史蘇安世號康庄○明知縣劉梁號靜齋知縣任儀字象

### 鄉賢

祠嘉靖三十五年督學副使尚維持檄縣建修康熙三

祀宋工部侍郎楊諧字和甫祀南京督府經歷宋實字大賢

祀元孝子王克已字復仁○祀綿竹縣冠恕字道用祀都御

史劉聰字達夫○祀霸州知州劉璋字尚德祀教諭李賢祀  
生員劉上尚用祀按察司僉事劉檀字誠吾祀武邑縣知縣  
張曠字揚王祀貢士梁濟民字澤宇

杜稷壇

風雲雷雨山川壇

厲壇 三壇俱知縣衛汝霖立知縣楊友松重修

城隍廟 成化年建康熙二十七年知縣李暄重修安置廟祝以司香火

晉文公祠 縣東十五里土人祀

秦文公祠 縣南十里唐刺史崔駢重修

明忠烈朱公祠 縣北一里康熙八年宜君知縣周之簡建

文昌祠 舊在儒學西移于沮河東萬曆二年復遷舊址康熙十年移建 文廟東

二部系志 卷八十一 祠祀



貢賦

明季盜賊蠢起首陷中部西山數百里人遺地荒六十年矣地不加闢稅仍舊額我

朝加惠邊邑監于勝國確守成賦其慮深遠矣作貢賦志

明洪武年田夏地八百五十八頃二十畝二分秋地二千二百

一十六頃二十一畝四分

戶三千七十八口二萬七千二十六

民二千一百五十四軍六百九十八匠九十六

校尉力士一十三塔三十弓舖兵九十一打捕三十一醫二僧六道四樂一十九

賦夏一千三百八十一石七斗八升有奇秋六千一百二十

一石四斗一升有奇丁賦戶口食鹽鈔二萬一千二百八十

八貫每貫折銀八釐計六十三兩八錢六分四厘閏增鈔共

二萬三千六十二貫共計銀六十九兩一錢八分六厘  
課鈔三千二百七十六貫三百一十二文每貫折銀三釐  
增三千五百四十九貫四百六文共計一十兩六錢四分力  
差共銀一千八十七兩九錢二分有奇

以上正德年以前賦役總數

劉左史公曰中部地瘠民貧洪武來皆徵本色民各輸土宜  
花布席麻至邊貿易完納甚便而費亦省正德中遂以徵銀  
爲常例事雖易完而閭閻困敝矣

論曰中部疆域洪武年東至韓城東南澄城西南白水舊志  
可據疑坊州舊域也是以地丁頗稱繁庶今旣割歸宜洛因  
地較丁當減什之六七矣明季又耗于兵燹于歲流離于包

結

本朝順治初年戶口僅存什之二  
其時有慮添派國墜轉其害有  
不可勝言者矣

皇清田賦戶口悉依康熙二  
年實數全書內原額實徵數  
折正一等地七百五十四頃  
六十六畝四分玖釐 實徵本  
色起運糧九百三十石三斗二升二合九勺 實徵本色  
畱驛倉糧二十九石六斗四升 以上起運存畱本色糧  
九百五十九石三斗八升七合

每畝折徵銀一分二釐四毫二絲一忽九微  
九百五十九石三斗八升七合 又每畝折徵存畱官學  
糧銀一分四毫二絲九忽六微 倉糧一百七十九石八

斗七升二合折徵銀貳百陸拾壹兩柒錢柒分玖厘每前代徵均徭銀

實在丁捌千陸百陸拾叁丁共銀壹千陸百叁拾陸兩陸錢

捌分伍厘

實徵均徭銀貳百陸拾壹兩柒錢柒分玖厘每前代徵均徭銀  
叁厘肆毫陸絲捌忽

以上地丁均徭共徵銀貳千玖百捌拾叁兩壹錢壹分此額總  
之總也惟是實在人丁捌千陸百陸拾叁丁之額乃萬歷以  
前全盛之時戶口蕃庶之數自故明末年遭流寇之難殺戮  
逃亡不可勝紀城市丘墟村庄茂草

本朝定鼎以來多方撫綏於康熙拾貳叁年間又遭王逆之亂  
止存壹千貳百柒拾玖丁照依每丁壹錢玖分捌厘零徵

止該徵銀貳百伍拾伍兩伍錢叁分無如歷來當事咸以兵餉不足致我爲慮將所存壹千餘丁變爲三門九則包賠壹千陸百叁拾陸兩零之額所以部民日困在

朝廷不過太倉一票而部民深切膚之痛矣至康熙叁拾年邑侯李諱暄編審人丁再四勸諭止實在人丁壹千陸百捌拾肆丁邑侯以包賠之累適

前任大中丞薩爾諮訪民間利弊同益謀加增未除具詳請  
諮雖經

上聞而部議未允遂寢其事此部民之苦後之泄任斯土者邑民厚有望焉

中朝縣志

卷之二

古無屯田中部者荒山百里沙石崩頽不可以耕中部之有屯田自

本朝始山陡水急灌溉難施作屯田志以水利附

順治十年始設屯田同知駐宜君之偏橋募兵墾中宜二縣荒地任屯田同知者高應選立屯二年迄無成功虛報墾熟田一萬六千畝久之

朝廷以費多無出撤屯兵募民耕種民不應募設歸本地起科高應選迫勒兩縣分任以實虛報之數謬以宜君三交彭村地四千八百畝強入中部當是時任中部知縣者閩人孱弱不戢出結受地久之邑人乃知已照地增根矣至今爲累

論曰無爲福先無爲禍始始禍者曰作俑君子惡之爲民牧者縱不能貽之利顧可重之害耶天道神明彥人濟欲噫可畏哉

水利

延地近邊苦寒民習戰鬪水利缺焉不講然郡城之延利渠  
司馬光爲麟州通判時鑿引入城中部之上善泉唐坊州刺  
史崔駢導之城中以時久復廢惟安定之湧泉鄜州之吉子  
灣絳德之龍泉至今猶食其利也誠得賢守合毅然行之則  
安塞之小平川安定之灌清谷延長之鴛鴦渚清澗之永平  
川洛川之廂西河宜君之玉華川葭州之永會川吳堡之清  
河溝皆可資灌溉也而中部東導葭州西引沮水乘高引  
下工省利多惜無有行之者豈駢之表上善泉入城也千年  
之後陵谷變易不可考矣司馬溫公鑿延利渠若事涉迂濶  
勞民動衆溫公必不爲無益之舉也後之君子鑒古而酌行

之則可也

中庸  
卷之四  
第廿一

鹽法

天下之鹽或煮海或以井或以池可鹽之官行鹽之地各不相涉有屬禁焉中邑遠越千里開中邊池上守畫一不移變遷官苦于課程民病于遞運非長策也作鹽法志

中部額銷花馬池鹽引八百六十四道

原額課銀壹百叁拾肆兩柒錢捌分肆厘及康熙十八年間每引加銀七分十九年間每引加銀三分滿文共加增銀八

十六兩肆錢至今未諮

論曰鹽法自漢唐元明屢變不一及其敝也鹽不給而徵錢如故稅已納而禁權再行要以解鹽依舊西行紅鹽不許東渡為秦晉行鹽長久之計善夫王賜爵之說曰明初鹽池以晉人為商領引納課民間平賣商人得行鹽之利百姓無空

賠之苦法最善者萬曆間晉商卸擔嗜利之徒不知利害遂  
任爲南路遠難運所得不償所費而商人遂困引課又不敢  
缺額不得已僉報商人驅百姓而馱之甚至照丁派塩自明  
迄今弊莫能止商民交困至康熙十八年間爲塩課之議增  
不足等事每引加增銀柒分又於十九年間爲塩課畫一以  
濟軍需事每引又加增銀叁分是每引共加增銀一錢共銀  
八十六兩四錢後奉康熙十九年

恩詔槩行豁除而延屬至今未免適大中丞薩行查民間利弊  
邑候李公愷切具詳 撫憲會同 塩院具題間大中丞薩

離任遂寢其事若能免此加增則商困亦除再仍招晉商訂  
明發賣之地乃令各州縣嚴禁私販課既不缺而民困立

矣不然因循舊弊非計之善也

古  
部  
卷  
一  
法



兵防

我

朝八旗得三代寓兵於農之義其餘名都大郡邊徼險要皆有  
守兵統以綠旗中部防汛塘撥隸之宜營而分布各隘民享  
其安作兵防志

分防把總一員領馬步官兵五十名

隆防鎮分塘五名

駱駝項分塘五名

論曰兵不可使聚七則不可使無事而食故府兵衛所論者  
謂近于古制也今以綠旗倣衛所府兵墾荒屯田以養甲士  
而州縣本色畱爲積貯以備兵荒不時之需則善矣

康熙二十七年邑侯李暄任中書公才敏健多藝北年盜賊  
捕治殆盡公善擇人任爲捕役能偵伺賊動靜及巢穴所在  
朝發夕獲無復得脫者康熙辛未年旱蝗歲大飢他邑盜賊  
相聚伺隙輒發惟中書相戒不敢爲盜境內安息

郵傳

明季之亂驛政驅之差役行于殷實雇錢沒于胥吏重以醜  
早豪傑蠡起向之差役執干挺矣實為厲階然節使邊警風  
行電馳朝請取貢肅駭介駟郵驛何可少也作郵傳志

驛道驛

原設驛丞壹員

俸食等項銀伍拾叁兩壹錢貳分順治拾肆年會議裁銀叁  
兩陸錢止畱銀肆拾玖兩伍錢貳分順治拾陸年裁汰冗員  
裁訖

原額驛馬壹拾貳匹驛驢拾頭喂馬夫拾名實額工料銀肆  
百叁拾貳兩叁錢捌分

原額損夫壹拾柒名工食銀壹百捌拾叁兩陸錢

原額縣驢拾頭額草料銀壹百叁拾叁兩叁錢叁分

以上額徵及協站父留兵餉共銀柒百叁拾玖兩叁錢壹分  
內於欽奉

上諭等事各案內裁銀肆百玖兩柒錢叁分陸厘捌毫叁絲

止留銀叁百貳拾玖兩伍錢柒分叁厘壹毫柒絲

原額損夫閏月銀貳拾貳兩壹錢貳分壹厘伍毫內裁銀捌  
兩捌錢肆分捌厘陸毫

止留陸銀壹拾叁兩貳錢柒分貳釐玖毫

原額縣驢閏月銀壹拾叁兩玖錢伍分壹釐貳毫全裁

以上裁四銀兩俱歸入起運項下訖

職官

官制備于成周至秦罷侯置守令歷代相因而守令輕重有  
關治亂非細也

本朝因明之制而權勢稍輕一代所尙各適于治作職官志  
中部于周爲白翟戎

秦置上郡守一人丞一人尉二人所領縣有令有長有相  
西漢諸郡始立學校官其縣令因秦之舊增置丞尉  
東漢縣令如西漢

晉隋唐置縣有令有長有主簿

宋諸州各置教授一員有知縣縣令及縣丞主簿縣尉

元各縣置達魯花赤一員尹丞簿尉典史各一員

明置知縣七丞主簿典史驛丞巡檢教諭訓導陰陽醫學

本朝仍因明制

唐李建徽鄜坊節度使

韓公武鄜坊節度使

王栖曜鄜坊節度使

郭子儀鄜坊節度使

王承元鄜坊丹延節度使

田牟鄜坊節度使

李愬坊州刺史

崔寧坊州都團練觀察使

崔駢坊州刺史

鄭源 許州人見名宦

謝文昌 巴縣人四川進士見名宦

李森 和順人監生

楊汪 寧鄉人舉人以上弘治年任

蕭章 岢嵐人舉人見名宦

岳岑 香河人監生以上正德年任

清九微 薊州人舉人

牛逸 寶坻人舉人

黃嘉績 羅山人舉人

候臣 解州人監生

楊乾 元城人舉人

中華書局影印 卷之三十一

亢弼 懷安人 監生

董進良 河津人 監生

胡熹 新繁人 舉人

陶大祿 蔚州人 監生

李述儒 代州人 監生

王雲鴻 吉州人 歲貢

竇芝 監生

雷啓東 汾州人 選貢 見名宦

石孟曜 寧晉人 選貢 以上嘉靖年任

常熙 蒲州人 歲貢 隆慶元年任

衛汝霖

李迎時 襄垣人舉人

楊友松 吉州人貢士

譚訥

單之慎

江之筮 汝上人歲貢見名宦

陳卜善 商城人

蕭屏 以上萬曆年任

姚一麟 山西舉人崇禎四年任見名宦

萬雲路 直隸吳橋人舉人崇禎年見名宦

蘭臺 卷山人歲貢

朱新越 宗室崇禎十六年任見名宦

職官

皇清知縣

候命新 趙州人歲貢順治二年任

趙象明 遼東人順治三年任

許襄 無錫人丁亥進士順治五年任

李順昌 新安人丙戌舉人順治八年任是名宦

彭聖培 蒲田人壬辰進士順治十年任

毛文燦 鄭州人歲貢順治十五年任

朱際明 孝感人乙未進士順治十六年任

金九鼎 麻城人舉人康熙五年任

魯聰 福建舉人

阮涵 桐城人舉人襄陽府推官改授康熙七年任

洪國屏

江西教諭陞康熙十三年任

李宗白

旗下人康熙十三年任

陳明

福建人武職改授康熙十六年任

金芝蘭

江南人由兵馬司陞康熙十九年任

魏方仁

南樂人丁酉舉人康熙二十三年任見名宦

劉芳

山西舉人

李暄

上元人貢監康熙二十七年任

明縣丞

郭亨

丁鐸

劉光先

直隸人貢士崇禎十三年任見名宦

皇清縣丞

王子英

紹興人順治二年任

李大順

貢士順治四年任

葉景昌

浙江人歲貢順治十二年任

文在茲

鄉寧人歲貢順治十四年任

明教諭

白金

見名宦

譙仕雄

眉州人舉人

王崇古

袁經

清苑人隆慶年任

皇清教諭

李鵬鳴 富平人舉人監察縣知縣刑科給事中

于飛 隰 隰西人歲貢

方燦 慶陽府人歲貢陞太和縣知縣

董三策 臨潼人歲貢

何其賢 河水人歲貢

張鵬翼 什泉人歲貢

謝嘉璽 咸寧人歲貢

張琰 南鄭人歲貢

關仕 隰西人歲貢

皇清典史

徐日望 籍興人順治七年任

王寅 紹興人吏員 順治十二年任

劉士郁 太平人吏員 順治十六年任

汪兆焱

吳爾珍 山陰人吏員

李淳

葛琪 宜陽人

名宦

關中為漢唐建都之地循良著績者光昭汗簡中邑雖小亦隸三輔馮翊治行卓爾號稱多賢顧紀載踈畧況焉無聞博

詢廣采得寥寥數人元明以來可謂詳盡作名宦志

唐李建徽

郵坊節度使朱泚反建徽與楊惠元李晟等聯營屯便橋破賊有功

韓公武

字從偃滑州匡城人書令弘之子起家衛尉主簿以戰功拜郵坊等州節度使

王栖曜

濮陽人性敦厚善騎射安祿山反尚衡舉義討賊栖曜時為牙將下交鄆諸城數敗賊衆遷令吾大將軍

以強弩三千夜入寧陵過李希烈之衆貞元初出為郵坊節度使

王承元

承宗弟有沉謀郵州丹延節度使奉公守法利愛及民

常繼均

坊州刺史有善政民愛之不忘

崔駢

坊州刺史興水利便民當時賴之

明黃宗 洪武初知中部縣公  
正愛民政務興舉

劉潔 沁源人成化中知中部縣性慈仁有大畧與滯補敵不  
苛取予遷廟學衙署修舉廢墜廣積倉儲遇凶年活民

甚眾

張悌 岢嵐人成化中知中部縣性嚴重誠心愛民任九載始  
終一節歲大歉人相食悌賑救有方盜賊屏息陞寧州

知州民皆號泣脫履不忍去

任儀 四川人進士前庶吉士歷御史以言事左遷中部知縣  
手神秀異文學高邁掄選才俊親為講授每夜必出巡

聞讀書紡績聲記而賞之故門下多名士  
廉能有守政績最著陞知州歷參政

鄭源 許州人弘治間知中部尚  
簡易不擾于民增修學舍

丁鐸 中部縣丞清勤無私  
居官一載引疾去

蕭章 岢嵐人舉人知中部縣為政  
平易民無遠近咸歸心焉

胡熹 新繁人知中部政  
尚寬簡立心公恕

白金

中部縣教諭躬行屬俗

袁經

清苑人隆慶初任中部教諭淳謹有守學務析理因材啓迪諄七不倦

江之澐

汝上人萬曆中知中部縣精明果敢力植善類邑俊秀孤弱不能自立者曲為保全多方誘掖務底于成

其里中豪猾交通羣吏胥招納權賄武斷鄉曲者庶得其魁數人捕治之餘黨攝伏以艱歸後補中部加意恤民尤勵廉節前後六載民悅士服

聖枉去邑人至今稱之

姚一麟

大原人由舉人知中部縣值崇禎初兵連禍結飢饉頻仍賊踞城內兵圍城外廬舍灰燼士民孑遺一麟

知意軫恤撫殘黎復縣治嚴明果敢吏無嚴法民獲寧宇屢陞漢中知府

萬雲路

吳橋人中部知縣仁慈愷悌時征役不息兵至輒病民于是邑士民閉城不內兵督師怒執士欲杖之雲

路力抗不從督師氣汨雲路無子邑人咸焚香祈禱及卒于官闔邑泣送出境

劉光先

宜隸人貢士崇禎十三年為中部丞持心公忠廉而有守十六年邑被寇陷衆皆怖散時朱邑侯新還方

公出左右將壞垣掖之走光先曰吾守朝廷土將安往自持刀與賊戰被剗度力不能支携家人于廳堂遂自焚朱邑侯

歸為位取賊首奠之哭甚哀曰  
殺身成仁雖死猶生

**朱新越**山西汾州府宗室崇禎十四年以明經知中部僅邑  
殘民貧惻然泣下繪派民圖將上之會邑捕于寇免

官不果尋復任命下時闕逆破潼關已五日矣署事者憐七  
請命恐不即受符新越毅然曰受國恩無以報今獲處所矣  
受之未幾自成傳檄至新越方巡城大怒髮豎親執石碎其  
數欲效虎固守而邑新破人皆骨慄新越于是厲父老而告  
之去日封疆之臣誓有死無有二也既而賊將至妻盧氏薛  
氏馮氏皆請自縊以盡節有女婢數歲新越撫其背而勉之  
縊左右皆泣下是夜書表封印使人馳京師表猶採民疾苦  
以聞賊至新越冠帶向闕拜又望其母拜自縊邑人塋社環  
塋側妻女相  
焉立碑記之

**皇清李願昌**直隸新安人丙戌舉人廉明仁慈輕徭薄賦清丈  
田畝不教而民勸不刑而民畏積年遺賦樂輸恐

後直社課文  
士勉于學

**金九鼎**麻城人舉人仁慈寬和  
清正不擾士民愛之

**魏力仁**南樂人丁酉舉人氣度和粹為政寬平特濟以猛好  
文喜士課試諸生童子百餘人廉能記讀其文天性

至孝迎養太翁至邑境步從肩輿行二十里飲食其旨必躬  
必親重修文廟煥然一新以盜案降級士論惜之

李暄 上元人貢監才力敏瞻禮賢愛民一塵不染革除甲長  
去百年之害民自樂輸沃里馬禁火耗善治盜賊捕役

以宿盜克之駕御有法盜賊潛發輒捕獲之地方安息公為  
尋甸知府仲子幼從其父任滇中熟諳吏事胆量過人遇軍

與旁午轉輸繁難指揮料理意氣自若捐俸修理學宮城隍  
廟忠烈祠移建文昌閣增設奎星樓百廢具興政成人和士

民愛戴如父母

閻仕 隴西人歲貢任儒學訓導豪俠義氣不濫交擇取方正  
之士隆以禮貌康熙辛未歲凶上命轉運西府米數十

萬賑兵民知縣李公暄以才能調取  
督運仕代征縣糧如期完辦



學校

學校明而後禮義興禮義興而後賢才出三代之所以盛也  
我生之初尚見文物揖讓之休後稍凌遲衰微守先待後君  
子懼焉作學校志

明倫堂 今廢

教諭一員

訓導今裁

文武學生員歲考入學各八名入府學一名

科考文學生員八名

廩膳學生二十名

廣生二十名

附學生無定數

論曰治天下有本其重學校乎禮義于是乎興人才于是乎成廉恥于是乎振督學澄清於上守令培養鼓舞以成就其才教官講學明理以端其氣節正其心術數十年之後其庶幾乎主風教者益何藥囚維而不張

選舉

取士之法代異其制世卿繼以徵辟薦舉易為科目世代使  
然

本朝立賢無方英括輩出中邑雖小科目之盛甲于上郡作選  
舉志

明韓規 中洪武年鄉試登進士任至給事中

郭幹 中洪武年鄉試任四川知州

劉元禮 中永樂年鄉試任主事

白昇 中永樂年鄉試任山西石州學正

宋叙 中永樂年鄉試任南康學正

張舉 中景泰年鄉試任晉府紀善

日吉場志  
卷之二  
敘恕

中夫順年鄉試任織竹知州

宋賓

中天順年鄉試任中軍都督府經歷

張琬

中成化年鄉試未仕

劉聰

中成化年丁酉鄉試登進士仕至巡撫順天僉都御史

張瓚

中成化十一年鄉試任至眉州知州

馬喙

中弘治十七年鄉試任太爾府推官

劉佐

中正德二年鄉試登進士仕至戶部主事

劉璋

中正德五年鄉試任南和縣知縣陞潯州知州

劉侑

中正德八年鄉試

劉仁

中正德八年鄉試

劉仕

中正德十一年鄉試登進士刑部郎中太僕寺少卿

劉信 中嘉靖元年鄉試任聞喜縣知縣陞石州知州

劉儒 中嘉靖元年鄉試任安邑知縣陞四川涪州府同知慶

劉芝 中嘉靖二十二年鄉試任交州府通判

張志久 中嘉靖元年鄉試任四川什邡縣知縣

李向陽 中萬曆十三年鄉試任四川長壽縣知縣

劉盛 中萬曆十六年鄉試任居庸關通判

劉清 中萬曆四十六年鄉試任新樂知縣陞武安縣事職陳副

劉應 中萬曆四十六年鄉試任河南登封知縣追贈按察司

王家桂 中崇禎十二年鄉試任山西榆社知縣

劉禔 中順治二年鄉試了亥進士任至原縣府知府

劉爾怡 中順治八年鄉試任貴定縣知縣

牛光斗 中順治十一年鄉試成進士任諸暨縣知縣

張鳳翀 中順治十七年鄉試登癸丑進士任大竹縣知縣

劉輦 中康熙二年鄉試登癸酉進士

張鳳袍 中康熙五年鄉試登癸丑進士任鄞縣知縣

明貢士

吳璋 洪武年貢任同知

馬進儒 洪武年貢任都察院

寇遵道 洪武年貢任湖廣金事

郝 洪武年貢任太僕寺丞

張哲 洪武年貢任監察御史

寇祥 洪武年貢任湖廣德安府照磨

焦智 洪武年貢任都事

賈振 永樂年貢任知縣

楊奈 永樂年貢任州同知

王暹 永樂年貢任州判

王翥 永樂年貢任河南歸德州知州

劉鯁 永樂年貢任濬縣寺署

陰俊 宣德年貢任山西汾西知縣

寇恣 宣德年貢任密縣主簿

高秉 正統年貢任山東萊陽知縣

強永 正統年貢任州吏目

張滯 景泰年貢任昌黎縣丞

楊 昇 景泰年貢任山西芮城縣丞

秦 恭 景泰年貢任靈寶縣丞

任 能 天順年貢任山西和順主簿

仝 選 天順年例貢任山東萊州府知事

趙 鼎 天順年貢

葛 文 天順年例貢任新城縣主簿

楊 志 成化年貢任州吏目

崔 [redacted] 成化年貢

晁 暹 成化年貢任營州衛經歷

成 安 成化年貢

張 中 成化年貢任山西保德州判陞蒲縣知縣

高 愷 成化年貢任英陽縣知縣

寇 和 成化年貢

蘭 馨 成化年貢任四川蓬州州判陞山西芮城縣知縣

李 軌 成化年貢任縣丞

蘭 芳 成化年貢任訓導

高 尙志 成化年貢

馬 厚 成化年貢

侯 文昌 成化年貢

鄭 山 成化年貢任山東主簿

馬 翔 成化年貢任四川夔州府知事

賈 璞 成化年貢任湖廣長史司典簿

口... 卷之二 選舉

曹 昇 成化年例貢

王 學 成化年貢任山西沁州吏目

王 懿 弘治年貢

吳 隆 弘治年貢任湖廣襄陽府檢校

楊 愛 弘治年貢

郝友益 弘治年貢任荊州府照磨

程 舉 弘治年貢

寇文祥 弘治年貢

高 爵 弘治年貢任介休縣丞

劉 森 弘治年貢任城陟縣主簿

宋 綸 正德年貢

秦文

正德年貢任山西大同縣主簿

賈貢

正德年貢

馬鉞

正德年貢

党博

正德年例貢

劉儼

正德年貢任鴻臚寺序班

王表正

正德年例貢

劉偉

正德年貢

寇文福

正德年貢

寇文枯

正德年貢任訓導

宋縉

正德年貢任山西

張耀

正德年貢任教諭

寇文禧

正德年貢任潞州

王重

嘉靖年貢任淮府

馮繼宗

嘉靖年貢任慶府典簿

白明

嘉靖年貢

宋希璟

嘉靖年貢任山東夏津訓導

梁永隆

嘉靖年貢

張大伸

嘉靖年貢

宋瀛

嘉靖年貢

張元傑

嘉靖年選貢任文水教諭

賈侃

嘉靖年貢任山西訓導

宋濟

嘉靖年貢任四川訓導

李

縉

嘉靖年貢任登封訓導眉州學正陞運同

馬大亨

嘉靖年貢任縣

宋應郊

嘉靖年貢

劉倬

嘉靖年貢任秦府典膳

張



嘉靖年貢

牛

元

嘉靖年貢

寇

壁

嘉靖年貢

焦

尙志

嘉靖年貢

劉

光

嘉靖年選貢任知縣陞保定府同知

張

嵩

嘉靖年貢任山西訓導

劉

光

嘉靖年例貢

趙廷用

嘉靖年貢

寇三畏

嘉靖年貢

寇光廷

嘉靖年貢

寇克巳

嘉靖年貢

劉光朝

嘉靖年例貢

王一夔

嘉靖年貢

郭友都

嘉靖年貢任教諭

楊朝宗

嘉靖年貢任瀋溪教諭

宋緒

嘉靖年貢

寇借

宋璉

隆慶年貢任安邑訓導陞教授

蕭敏敬 隆慶年貢任教諭

劉光升 隆慶年恩貢任新州縣知縣

劉光國 萬曆年恩貢任萬縣主簿

劉 綬 萬曆年選貢任雷州府通判

侯 仁 萬曆年貢

劉光文 萬曆年貢任招遠知縣陞真定府通判

劉光唐 萬曆年貢

劉光漢 萬曆年貢任洛陽縣教諭

劉 果 萬曆年貢任遼州訓導

劉 經 萬曆年貢

呼 春 萬曆年貢

馬殿 萬曆年貢任州訓導

張志高 萬曆年貢任山東博平教諭

寇克忠 萬曆年貢

劉爾完 萬曆年選貢任阜平縣名山義知縣陞床安州知州

劉徵壁 萬曆年選貢任河南通許知縣

劉經 萬曆年貢

劉廷詔 萬曆年例貢

劉世忠 萬曆年例貢

曹進 萬曆年貢

楊知新 萬曆年貢任貴陽教諭陞空府紀善

劉一織 泰昌元年恩貢

劉 淳 泰昌年貢任州判

宋承芳

寇永清 天啓元年恩貢任汾州府同知

李 賢 天啓年貢任訓導陞汝寧教諭

張 鑛 天啓年貢任武邑知縣

李好直 天啓年貢任慶陽教授

劉 沂 天啓年貢

劉 沛 崇禎年恩貢

劉爾甲 崇禎年拔貢

劉 潔 崇禎年歲貢

劉爾驥 崇禎年貢任臨汾訓導陞縣教諭陞嵐縣知縣

朱秋芳 崇禎年貢

曹可望 崇禎十一年己卯科副榜貢

劉 禔 崇禎年貢

雷俊彥 崇禎年貢

梁濟民 崇禎

畢清劉世諫 順治二年恩貢

劉爾駿 順治年歲貢任華陰訓導

寇碧清 順治年選貢

劉維運 順治年貢任華陰訓導莊浪西鄉教諭遷澄邁知縣

劉 焞 順治五年拔貢考授通判

蘭國徵 順治年貢任乾州訓導靈台教諭榆林衛教授

張

鑣

順治八年恩貢考授通判

王光裕

順治八年歲貢

劉楷

順治十年歲貢任鳳翔訓導朝邑教諭山丹衛教授

劉絡

順治十二年歲貢

蘭薰

順治十二年拔貢任泗水大邑縣知縣

劉爾駟

順治十四年歲貢華州學正

敘澄清

順治十六年歲貢任洛南訓導

張末淑

順治十八年恩貢

葛論

順治十八年歲貢任鄠縣訓導

劉允淑

康熙二年貢

張可師

康熙二年貢任韓城教諭

王拱北 康熙二十一年貢

劉 綬 康熙十二年壬子拔貢

張未滂 康熙十二年貢

劉克生 康熙十四年貢 劉禮 康熙十四年恩貢

蘭國衡 康熙十八年貢 見任華陰訓導

蘭 淳 康熙二十年貢

劉 篤 康熙二十二年貢

劉克定 康熙二十四年貢

牛秉徒 康熙二十五年拔貢

劉 煇 康熙二十六年貢

劉克堃 康熙二十八年貢

曹信 康熙三十年貢

張雲翰 康熙二十五年例貢

張木 康熙三十一年例貢

劉克廣 例貢

劉格 例監

李維馨 康熙十八年貢任鳳翔府訓導

鄭鉉

中國書局影印



人物

三才既判人與天地合德人物顧不重歟語曰人才不擇地而產即窮鄉僻壤亦有出類拔萃之賢知軒轅陵寢所在其鍾靈毓秀必有異於諸邑者作人物志

朱楊借

字次公唐左僕射於陵六世孫父守慶仕廣南劉氏歸宋為坊州司馬因家焉借少從種放學舉進士為坊州

排官再調漢中判官道遇術士能化石為金欲授以方借黜

其術再遷太常博士以言劉從德改侍御史時郭皇后廢與

孔道輔范仲淹力爭仁宗嘉納之擢侍制遷龍圖閣直學士

知河中府軍政肅然借言寧遠營不可守請遷嵐州請遷有

五利不遷有三害朝廷不從乃罷知刑州徙滄州先是其在

州常論八陣圖及進神香勞陣刀其法外環以車內比以盾

乃下其法于諸路久之遷翰林學士工部侍郎致仕卒有兵

書十五卷文集十卷子忱慥有雋才皆早卒

金雷瑄

字伯威坊州人志英邁博學能文以薦從事史館後客

陽夏是時金遷都于汴開輔大飢瑄悲泣不能食乃出

奇策上宰相不能

用瑄去不知所之

元李杲

字東垣坊州人舉明經不仕精岐黃活人甚衆著有東垣十書行于世學音稱東垣先生

明寇恕

字道川性簡靜專明易理三任平陸縣寧聞喜教官設立條約較本務實墜綿竹知縣安靜弗擾二載乞歸行

李蕭然所著

有元一集

朱賓

字大賢體貌魁梧方正剛果老年精易學舉天順三年鄉試癸未當會試不赴公車曰必有火災已而果驗任

陽曲知縣傳詢民隱抑制豪強陞陝州知州軍多強橫獨憚

賓威嚴不敢肆歲飢飛蝗布野賓竭誠步禱明日羣鳥來食

殆盡陞南京中軍都督府

經歷致仕築室龍首山

獨聰

字達夫性剛明果斷登成化丁未進士授太平府推官

不敏公座聰奏復之權彰德知府革宿弊除豪強屬縣肅

然宗室有風七兒者日至府開需無已聰疏其不法自是歛

手歷右僉都御史巡撫順天皆有異績

張舉

字景泰年舉于鄉仕至晉府紀善寬和平易遇事

劉瑄

字尚德中正德五年鄉試授南和令戴星履政至忠愛

食時禮河大渠久湮瑄修復灌道民沾其利邑二十七

歲

上著餘七社處徙來晉民奉例懇荒民有新舊田有多寡  
躬必斤而使田租相證當道美其政諸由以南和為則辛巳  
上來自藩邸沙河令不堪任事委璋代之旬日事辦費省而  
民不優陞知霸州人多豪俠剽悍璋懲一二魁黠境內肅然  
城既九河故道歲十九潦盜賊頻興璋平役薄征四年水不  
為災城北牛沱河遠移一舍盜賊哀息致仕歸治園橋山之  
麓歲歉引沮水灌邑東田貧民賴焉璋為人忠慤剛果內無  
私爰外無情行治家教人為後學規範詳呂文簡墓表中  
張瓚字廷圭性敏捷少負才氣成化舉人授西城兵馬指揮  
使遷眉州知州陳按積獄數日而判居九月卒于官貧  
不能歸巡按憐其情命有

司賻之還葬祀名宦

劉佐字以道聰之子登進士授戶部主事監叔小  
難稅勢豪請托不少假借卒于官有比原集

劉侃劉仁侃字以正仁字以行聰之子同舉正德癸酉鄉試  
侃性孝友仁聰穎年十六舉于鄉與信陽何景明

相友善詩文醇和

景明稱為畏友

劉倌聰之子舉嘉靖壬午鄉試仕聞喜知縣  
庶潔端方陞石州知州以清白世其家

劉仕字以學璋之子正德辛巳進士授刑部主事廖凱殺人  
罪當死久不成仕按治之抵罪世宗立欲考與獻母

與國夫人仕伏哭奉天門上大怒廷杖三十不死久之起為  
員外郎歷郎中諫獄山西御史馬錄質以張寅異狀仕言寅  
為李福達不疑乃移寅詔獄仕以武定候郭勛庇姦劾之遂  
與大獄上遠治仕廷杖謫戍柳州既十年穆宗即位以遺詔  
起太僕少卿謝病不就職事繼母孝有冬竹王筭之異年八  
十一卒著有郵南集次子光大貢士仕至府同知別有傳光

官新泰知縣剛  
正不阿有父風

劉儒 字以聘璋之子性至孝父嘗倉卒被盜儒與兄自外踰  
垣入爭求代父于是盜義之釋其父嘉靖間以舉人令

安邑補完縣陞叙州府同知所至皆有惠政遷慶藩左長史  
以禮繩王王不聽遂致仕儒為學以誠一為本辨析理義毫  
忽不苟子史百家言無所不通顧一折衷于程朱學者爭歸  
事之儒正已率物危坐竟夕衣冠必整太保楊兆出其門又  
第甥既貴每見猶侍立終日語人曰吾侍兩宮未若先生嚴  
生平不近娼俳雖賓祭亦弗接于前著有邑志劉氏家禮標  
麗集子光文以明經知招遠寬和宜民權判真定有井出金  
內官監採為民害光文奏劾內官因罷採金役一時權貴無  
不敬  
憚之

張志久 字恒軒瓚之曾孫篤信好古隨父任子晉僅大比遂  
試晉國擬第一人及書榜與試者以異籍置之高第

秦西舉子秦任四川什邡縣知縣政通人和蒼弊起衰孫未

劉鈺聰之曾孫字復泉少孤好學舉萬曆戊午鄉試官保定

山為亭為衡門環堵不事琢飾飲酒著書

劉絡字繡卿璋曾孫少孤奮勵自立動循禮法嘗曰人須不

顛遠近學者取為師法舉明經不仕先是老隸王清貪絡幼

遺良家女邑人楊自新以事忤令逮治甚酷以木囊其首木

角置環夜懸之去地尺許絡憫楊無辜旦夕且就死乃呼友

梁生以其背受父之足自新竟賴以全萬曆辛亥隆坊火延

燒斃十百家衆恟懼祝天曰城中人千家顧無一陰德人火

當自其地止移時火止火止處則絡築舍也後寓居曹家窪

取隙地土坎深而金出僕曰曹氏光王地也絡舉金授光王

母子驚喜已而泣曰吾金不室而瀆于野非公孰還我金吾

聞隆坊火不災公舍始公陰德也闢道亂絡隱居唐峪洞時

避亂者數百人賊後至洞隘不能盡納絡出已所蓄牛羊晉

盜避亂者皆獲免卒年

張鑛字陽字號心齋志久長子博雅淹通居家孝友與人謙

政通人和循聲大著遷武邑縣令一介不取清正嚴肅數日

大治有撫軍吏魏孟津高盜失主控之魏俱以千金求免鑛

不受必正法撫軍怒捏誣彈之遂掛冠因部邑賊陷僑寓長安

名公巨卿聞之相訪每載酒曲江鴈塔諸名勝地遨遊聚樂

上載方歸里六十五卒子永淑永濟永滂皆至孝

葬祭盡禮四方現者甚衆迄今稱述不衰祀鄉賢

蘭可大字化之號繼亭天性至孝幼失怙泣血三年喪葬以

號騎衛經歷株守間曹一介不取遇覃恩進承德郎陞浙江

斷事遇事裁決案無留贖甫半載卒于官可大素清价歷三任

囊無遺金子幼貧不能扶柩遺書家鄉鬻田產赴  
迎又得上官賻遺乃得歸葬鄉里高其清操  
劉榿字誠吾仕曾孫知州爾完子舉人性剛介識大節事父  
極孝賊陷邑城榿負父走時秋霖河流漲漂渡者多溺  
榿獨弗溺崇禎辛巳授登封知縣時大盜李際遇申靖邦盤  
據山砦榿設法守禦與士卒同甘苦練死士數百且戰且守  
賊不敢近癸未逆闖攻登封城陷被執自成欲降之榿掉髻  
罵曰豈有七世清白吏而降賊耶自成從容言曰吾與公訂  
切桑梓今方有事關中當同載西歸榿神色愈厲曰吾願血  
沾登封土自成義之次日復令賊將劉崇文說之反覆數百

言終不屈遂遇害于泮水之側事聞贈按察司僉事先是登封不守父爾完泣曰吾子素剛烈死國事矣及聞訃顧垣然曰殺身成仁又何憾焉祀鄉賢

劉滄 字還初舉人授新樂知縣歷陞雅陳兵備副使劾姦扶良所至治行卓異居鄉溫厚謙遜與人坦易不競

劉淳 以明經任昌平經歷宦官行郡縣淳長揖不拜宦官怒杖之淳聲色愈厲發憤死

劉世諫 字蓋吾個儻有大志不拘細行性孝吝居黨輕財好義剛正不阿成明經不生閨門之內嚴若君臣年八

十一卒

張未淑 字克純號象恒曠長子幼喪母天性至孝事繼母盡其曲盡友于之愛教誨皆成知名士至分產已取其薄弟受

其豐督學汪喬年舉德行題其閭曰孝友風洽持齋敬神好善樂施救人之難濟人之急謙遜請吉族黨無不式服有古

大丘風歲大飢人人不能自保表弟劉謙求救為存劉氏苗裔未淑歸于家為之娶妻生子後置產析居待親戚如謙者

甚多康熙元年舉恩貢長子鳳翀仲子鳳翀癸丑同成進士語人曰兩子成名吾當逝矣無疾

而終享年七十有五

劉爾懌

字敬又紹少子學者稱雪石先生幼而穎敏十歲能屬文尤善詩博覽廣記諸子百家之書過目輒能記

誦其大畧讀書西山之唐峪洞累舉不第晚年絕意進取以詩文自娛為人孝友純篤與人廉介不苟其貧樂道宴如也

其詩文雄視一世成于頃刻若不經意而創意造語曼絕不筆與河濱李叔則華陰王山史宜川劉石生相友善山史石

生出文太青門石生為文雄奧一如太青懌學之淡旬郎如太青文康熙十八年徵隱逸辭不就又徵博學弘詞有司催

迫強入省巡撫公除館賓禮之問曰賊何時平對曰以逆順較之賊不久自平但賣官鬻爵非所以平賊也巡撫公愕然

懌出力辭不赴為却聘書五上之不辭而行

劉禪

字廣益才學敏瞻登丁亥進士強毅不屈初仕竹山縣知縣吏民畏服歷陞四川順慶知府左遷江寧府理事

同知合行禁止文致周密案無留獄善草楷書矯捷精麗為詩新奇年四十七卒

王家柱

字蟾窟號月襟篤志勤學遠近從遊者衆皆知各士天性孝友自置產業分給兄弟毫不自私崇禎己卯

舉于鄉任山西榆社令多惠政榆民感德遺愛猶存迄今子孫繫衍傳有名士

梁國英

字橋鍾篤信好學早歲承芹食餼端方謙和一介不為行不由徑足跡不入公庭既有滅明之風從學

甚衆講誨不倦成  
名之士多出其門

劉情 字日承幼孤依于叔父性慧多藝讀書多所解解處心  
性命之學凡富貴窮達一裁之命為文極深精緻人有

新意奇句觸其目輒高人一等屢試冠諸生河西分巡  
叅政耿公客遇之成成子接貢考授通判未仕而卒

劉克念 字修吉廩膳生處窮樂善一介不苟環堵蕭然宴如  
也遇達官顯貴意氣昂然人有請求輒解諭之曰貧

何累于我而卑也若是耶事母純孝母病力致其旨母意  
或不悅則多訪勸中夜不寢尤善為色養宗族稱之

野史劉爾怡曰宦寺自昔為聰明時劉瑾魏忠賢植黨奪

柄幾移國祚一時縉紳或父事之而望塵下拜雜然見于

卿貳臺閣矣九卿大臣播掠驅逐如片僕斯至今父老言

之嗚咽不置也劉公淳以經歷抗不下拜官官怒杖之發

憤以死君子曰淳也可謂殺身成仁矣振明三百年士大

夫委靡之氣汚穢之行直情勁節凜凜焉浩焉與秋霜

系示  
卷之二人物

烈日并伸于天地矣而湮沒不傳予故表而出之以俟後  
之君子論定焉

孝義

百行先孝五常重義孝義人生之大鄴部邑居秦上游為北塞腹地孝子義士代不乏人豈非軒聖之流風遠乎作孝義

志

元王克已

幼喪父事母孝遭元末大兵母素畏兵常負匿山谷及母卒葬後廬于墓側負土築墩于前朝夕

遙望有兵至即以身覆其墓曰有兒在勿懼適紅巾賊至嘉其孝思令勿犯引去其地因名為回軍嶺入祀鄉賢

劉準

中部庠生少負氣節有才名潛心理學當道重之令署邑庠篆五載準朝夕督勸多有成立值藩司行縣詬辱

諸生準正言辨折藩司怒親杖之準奮然曰頭可斷士不可辱憤惋而卒藩司服其志節命有司營葬

秦清

中部人荒年出粟周濟隣里有不能嫁娶及不能葬者必予之金義民也

劉倬

璋之子由明經為秦藩典膳以父璋老棄官歸養父飲

客散盜逼其父取葦蓆沃以膏衣之獨露其首火其四角衆奔怖倬踰垣入請以身代父賊善之乃釋其父其兄刑部郎

中仕以直諫謫戍柳州十餘年始放歸歸時  
父尚在年八十侍左右解慰曲盡其道

**劉芝** 聰之孫父侏早亡母忽氏守貞芝幼多病忽氏撫育成  
立通經術由舉人官通判痛念父人母早孀衣不華飾

食不重味躬親執爨終身如是或語及母輒涕泣  
不能言赴關自陳勅賜坊模以表其貞節

**張克讓** 中部人天性純孝事無違一日母抱疾克讓祈以身  
代割左股奉母果愈有司上其事于直指

**劉光大** 仕之子官保定同知總諸路軍餉一介不取居  
官十五年歸囊蕭然人稱劉氏累世清白吏

**劉光燦** 字少庵幼倜儻有大志邑中貧不能婚葬者咸助贖  
之從弟光亨歿無子遺二女俱幼族屬分取其產光

燦後至獨愴然泣下曰二孤安在獨撫養之如已女奮且甚  
厚邑吏嘗寄官金二百于張懋功室既而金失懋功夫婦惶

恐就縊光燦語懋功曰無恐吾能助爾金已而得原金李懋  
春家懋功卒免于縊又牛汝楫與高氏爭田相鬪高氏搥殺

族子以求勝獄成誣汝楫光燦為白之免  
于罪汝楫餽金五十謝不受官鎮撫卒

**張志高** 厚重質朴勤學劉光朝之壻也光朝任四川萬縣主  
簿宦資千金病將革一子甫數歲而有三壻各分三

百五十授之志高受而藏之其子家道中衰貧不能度日志  
高舉原金與之兩壻皆自用而志高毫無取後志高舉明經

任博平教官及免歸檢  
所得俸金三百五十金

劉織

仕之孫貢生事母候孺人時時承顏色順  
意旨家雖貧每食必設其肥終身無違

劉繼

字敬亭儒之孫性淳厚謹言行事父母能得其歡心父  
為涇陽教諭借母往任繼既老見父母所遺柩捲器具

輒嗚咽不能勝

劉爾完

字中宇事父給母王孺人以孝聞食必親衛必請兄  
弟以翁聚為樂父破水漿不入口者七日及葬新負

磚石以明經任阜平知縣母老齒俱暮爾完晨昏必省命諸  
兒婦升堂乳母母悅賜兒婦帛一及歿于官邸完扶柩西歸

葬祭必以禮  
松栢皆手植

馬殿

字後渠為人端方樂周貧乏里中有醜醉者殿輒避之  
同井張某貧不能葬其親殿即購以棺勸人行善道

人呼為馬佛以明經三  
仕廣文所至皆服其教

牛桓

無競居官有惠  
任陵州丞持心忠信與物

劉爾桓

字伯有年六十既  
色兄弟同居衣祿無所私厚從弟官黔中教以

仁恕享年七十卒

王光祖

出栗廬機多活年歲

劉篤

孫庠生性樸質崇禎年歲

時祖

母老矣篤負之走夜犯沮水澗冰渡妻在後弗顧也父

繼青

門獄疾方溽夏篤侍父不解衣寢憂鬱嘔血秘不令父

知父疾

瘳而篤隨歿篤有同母弟先是忤其嫂七怒而白之

篤曰弟

勿遺失吾母時才兩歲嗟是吾母所憐愛兒也妻大

義之其天

性仁孝類如此

劉爾璽

光燦孫崇禎二年盜賊驟掠至三河口母驚匿爾璽

死不避

難曰及曰吾仇及踐難焉叔父固止之弗聽從者

固請繼

之臨賊從者震怖莫敢前爾璽犯壁而入獨往來賊

墨間所

殺傷數賊尙未得母處身中

大制十

餘陷曲巷中兵折力盡走焉

杜壽春

崇禎四年盜攻城陷或呼壽春日曷去

梁濟民

家徒四壁晏如也奉養孀母每食必進其肴崇禎辛巳歲大凶濟民一素貧諸弟既異爨必呼俱食時貧

民饑妻于別家又求哀濟民自鬻濟民憐而與之食得免歲  
飢濟民又曲爲之力夫婦相合如初疎財好義息不責報舉

明經不仕  
卒祀鄉賢

劉祐家貧讀書取予必嚴崇禎十三年歲大飢不入粥廠求  
賑慨然曰歲荒有同乞丐所欲有甚于生所惡有甚于

死前賢垂明訓矣自古皆有死于是造粉買毒藥置  
其上與妻鄭氏二男子二女子同食闔戶就寢俱死

劉潔字如土為人風流瀟灑酒嗜酒喜接賓客雖烏履跣  
歌迭奏而其與愈醜醉後談古論今慷慨激烈滿座爲

之傾倒李自成之亂杜門  
不仕家貧衣敝與致悠然

張末濟字海楫驥仲子篤信好學尤工書法豪氣俠骨慷慨  
意氣早年遊泮食餼崇禎末年盜賊蜂起邑城幾不

保末濟董同社親友各率家僕晝夜守禦邑得無虞其謀猷  
胆畧有大過人者四十而卒繼室雷氏年尚少撫子守節以

終其身其刑于之  
化如此入列女志

劉廷謨字湯盤邑庠生事父母至孝輕財好施周急恤孤崇  
讀辛巳歲飢貸粟七百盡焚其券爲人寬厚和平飲

酒愈多愈謹年九十恂七如儒生安貧樂道  
芳簣時猶能爲長母短味長笑而逝

張末洵

字秀水曠季子淹通博雅早歲承芹食隸屢試冠軍

自愧秀自觀歎然天性孝友事兄如事父視任如子與人接

近為之悲哀

劉爾慎

字仲謹賦性孝友早年補弟子員周急濟困崇禎辛

賦家計日絀乃出私藏二百金率以予父母又憐任孫幼失

財難如此第疾病日方誦醫書夜擁視衣不解帶者年

馬義徵

字文拔性坦直無所矯飾事兄恭順年既老每事必

造飲輒醉不容情于去留子信文學瞻裕數試棘闈不第事

父能盡定省之禮父母同日而歿泣血三日米漿不入口衣

禮人稱其孝

蘭如簡字少泉賦性至孝選授山東鄒平縣丞歷任六年清

祭悉如禮破田產盡大事七母李氏孝母病卧床不能起如

蘭國徵 字需用歲貢歷陞榆林衛教授為人寬和温厚遇事

端方士論

服之

劉楷

字物正為人謙和平易終身不聞疾言遷色危坐終日

劉允淑

善楷書成歲貢為人坦易居鄉党正論侃直累舉不

吟吾願足矣何勞神苦吟

張應麟

字瑞寰庠生嗜酒不事家計生產明末盜賊蠢起征

閉門不納

經畧械繫諸生不納兵者將以軍法從事應麟大

呼曰閉城拒兵者應麟一人耳諸生無罪請杖應麟天子以

公為經畧賜上方劍除暴亂安良民今日兵士擄掠驕縱甚

于賊盜應麟憤不顧身請死公杖下毋辱上方劍斬諸生不

武經畧公氣

沮竟釋之

劉裕 字賀吾居家孝友順治六年王太強反王師戰於美

逆我師而賊方扼古路村聞大軍至逃匿西山居民亦驚走

軍門疾呼門者內之入將問恰汝何求曰古路村亂者聞王

師至走矣今走強家噉者皆良民公為天子除反叛奈何誅無罪良民大將義之賜拾酒食

且諭曰汝為我分別經之所全活古路村人甚多  
馬儼 字望之温厚與物無競居近市井人多刀雖利輒歸詐

相高儼誠信不欺一介不妄取子平生喜怒哀不形雖造  
次急遽動止言  
笑不踰常時

劉篤 字舟人少孤事祖父母孝弱冠領弟子員食饑康熙壬  
戌歲貢考授訓導篤幼時與兄坐禾場上兄戈飛弦絕

矢逸悞傷篤胃吐血數斗與兄訣無怨言後數日創竟瘳為  
人忠直居鄉醇謹寡言笑對人訥訥不能言而議論剛直不

為回互鄉黨服其義  
享年六十有三

牛燿 由廩生入國學為人好義鄉里貧乏者輒周其急崇禎  
二年已歲荒饑斗米二千錢燿所積米三十石盡周貧民

鄉黨  
稱之

劉良 產生事祖父母孝崇禎癸未賊陷隆坊城倉皇負祖  
母犯圍而走行二十里其妻在後疾呼不應人稱其

孝

李芬字

邑廩生以字行崇祿辛巳流賊攻陷中部芬字父戮

論李賢老矣是時承平既久人不知賊也答辱賢張  
目此之曰汝曹知李賢何如人乃敢加非禮耶官兵且至汝  
曹為粉齏矣遂具衣冠延頸向賊竟殺之芬字慟父死于賊  
發憤三年不入家門以父死事走白太守監司遂祀鄉賢邑  
士大夫曰芬字孝子也義以顯親

葛論

字宗魯歲貢授鄆縣訓導居鄉慷慨剛直遇事敢言無  
所曲挾朋友有過委曲開道務相成就

張琬

字連城好義樂施議論侃直為諸生慷慨任事以孝友  
稱于鄉里

蘭國胤

庠生才智明敏居止威重治家嚴明教訓子弟動循  
禮法周窮賑急義氣素孚于鄉里

張成物

字富甲子一邑兩塔割沼劉涇劉涇合教以通經博  
為人寬和樂易喜怒不形周人之急千金不吝

古同科登第涇官大泰榷鹽餘事皆成物之教也子崇烈以  
文學知名于時孫星映庠生善書設教講學而揚中丞諸公  
出其門墻疏桑叔  
盜星映贊成之

劉爾極

字太字庠生進止有常高視闊步衣履整肅雖造次  
而見者知為有道君子也

年八十一二子價仕

雷俊彦 明末成歲貢閉門靜坐不事家人生產家世豐厚主

甘貧守約 不仕而幸

劉 字肖西爾完次子嗣經後為人厚重謙退不以此才智

國難擔左右侍養曲盡勸慰父殞築望姑廬蓋志在思親也

詩和者 甚衆

寇訢 字樂天為人舉止愷密酷好讀寒冬炎暑著書聲朗七

尚馳騁若文製深動與時違何為日 帖耶後竟不第

馬 信 微子也字閑之秉性純良工書字無間問高祖賜事

枕塊毀形骨立月餘哀感成疾亦也 日不 噴其手不展為

棘園未第 一時情之

寇一清 字玄若狂士也高顯曹 虬形口書及畫 詩交亦如之胸懷蕩灑 鵬徐飲安若

場同試者聯騎策肥衣履鮮麗一清果囊負隻雜行觀人中  
擔登疾走雄談高論意氣自若行歌市邑雖汗沾衣表而興  
致蕭然過酒輒醉不吝情于去  
留為人孝友篤于朋友

**李春** 居鄉好義崇禎七年歲凶輸粟四石賑飢上官問  
折款曰春憫飢民展轉溝壑春一人行之衆人效焉

庶有濟于賦芋于知縣姚一麟  
旌其門以恩例冠帶榮其身

**梁師湯** 字敬天厚重少文木訥人也幼事後母得其懽心後  
母亦憐愛之如己子父既老能養志順適其性情父

所交皆一時長者歸時杜飲酒食必精鑿務勝同社者剛直  
敢為邑中有大利害輒為諸生執牛耳申直之為邑庠生五  
十年正論侃

七士論重之

**牛四麟** 居鄉豪俠自喜重信義不苟取予任河南滑源縣尉  
忠誠不欺吏民悅服縣令遇大事輒相咨訪曰吾得

賢對輔予所不及崇禎辛巳出俸周賑族人子弟之亂者呼  
其少壯養之滑源所全活者甚衆

**王淑胤** 字恒錫切入岸高氣任俠善恢諧博辯廣記所談交  
遊皆達人長者熟識明未故事舉孟雅座壘七而談

膽而不浮詳而有節論者謂忘形骸吐肝胆意氣相尙前有  
張寅所後有王恒錫云

牛映斗 兄弟俱以文學擅時譽為諸生謙謹居鄉和易無貴  
蔬坦率自然年既老益謹足跡不入公府年八十四

劉爾德 幼豪俠尚義明末關中大亂以兵平四方未請者

清興大兵至為中部縣捕廳事上接下于時政多所補益

劉養慧 字聰軒邑庠生醇謹行以朴實家貧力學教授諸生  
成格者甚衆晚年以勤儉起家豐裕能周急散財不

以貲入責報為鄉里所推服年既八旬恭遜謙和雖頑愚強  
悍多方優容無所留難

劉濤 世諫之子也父年五十生濤其性聰慧十四入  
學未幾補廩事父母至孝葬殯大喪哀毀逾禮棺歛詳  
慎一其不苟為人和厚謙抑鄉党甚稱之

王者遴 字甄之年十五補邑庠弟子員負時譽各馳上郡  
父家桂官于榆杜時上官方事可求父鬱怒形于顏

色者遴多方解諭之曰家世清白人人為公潔富貴有命何  
慮于上官耶為文奇拔不羣年三十九竟卒多士惜之

寇澄清字月影嗜酒喜詩尤善恢諧不以貧窮自累高談闊論四座風生傲世玩物翮口手風騷之士也成明經任嶺安縣訓導師範尊嚴諸生仰之若泰山性耿介不避權貴既致仕嘯傲林泉享壽八旬

